



研習夏學  
與眾不同

白培霖

# 知足少欲

夔憐蚺，蚺憐蛇，蛇憐風，風憐目，目憐心。

夔謂蚺曰：「吾以一足跚蹀而行，予無如矣。

今子之使萬足，獨奈何？」

蚺曰：「不然。子不見夫唾者乎？

噴則大者如珠，小者如霧，雜而下者不可勝數也。

今予動吾天機，而不知其所以然。」

# 知足少欲

螭謂蛇曰：「吾以眾足行，而不及子之無足，何也？」

蛇曰：「夫天機之所動，何可易邪？吾安用足哉！」

蛇謂風曰：「予動吾脊脅而行，則有似也。」

今子蓬蓬然起於北海，蓬蓬然入於南海，而似無有，何也？」

風曰：「然。予蓬蓬然起於北海而入於南海也，然而指我則勝我，鱗我亦勝我。」

雖然，夫折大木，蜚大屋者，唯我能也，

故以眾小不勝為大勝也。為大勝者，唯聖人能之。」

## 窮通有命

孔子遊於匡，宋人圍之數匝，而絃歌不憊。

子路入見，曰：「何夫子之娛也？」

孔子曰：「來！吾語女。」

我諱窮久矣，而不免，命也；

求通久矣，而不得，時也。

當堯、舜而天下無窮人，非知得也，

當桀，紂而天下無通人，非知失也，時勢適然。

## 窮通有命

夫水行不避蛟龍者，漁父之勇也；

陸行不避兇虎者，獵夫之勇也；

白刃交於前，視死若生者，烈士之勇也；

知窮之有命，知通之有時，

臨大難而不懼者，聖人之勇也。

由處矣！吾命有所制矣。」

無幾何，將甲者進，辭曰：「以為陽虎也，故圍之；今非也，請辭而退。」

## 井底之蛙

公孫龍問於魏牟曰：「龍少學先生之道，長而明仁義之行，合同異，雜堅白，然不然，可不可，困百家之知，窮眾口之辯，吾自以為至達已。今吾聞莊子之言，茫焉異之，不知論之不及與，知之弗若與？今吾無所開吾喙，敢問其方。」



## 井底之蛙

公子牟隱机太息，仰天而笑曰：「子獨不聞夫埴井之鼃乎？

謂東海之鰲曰：『吾樂與！

吾跳梁乎井幹之上，入休乎缺甃之崖，

赴水則接腋持頤，蹶泥則沒足滅跗，

還虯蟹與科斗，莫吾能若也。

且夫擅一壑之水，而跨踣埴井之樂，此亦至矣，

夫子奚不時來入觀乎？』

## 井底之蛙

東海之鱉左足未入，而右膝已繫矣。

於是逡巡而卻，告之海曰：『

夫千里之遠，不足以舉其大；

千仞之高，不足以極其深。

禹之時，十年九潦，而水弗為加益；

湯之時，八年七旱，而崖不為加損。

夫不為頃久推移，不以多少進退者，

此亦東海之大樂也。』

於是埴井之鼃聞之，適適然驚，規規然自失也。



## 井底之蛙

且夫知不知是非之竟，而猶欲觀於莊子之言，是猶使蚊負山，商鉅馳河也，必不勝任矣。

且夫知不知論極妙之言，而自適一時之利者，是非埴井之鼃與？

且彼方趾黃泉而登大皇，無南無北，奭然四解，淪於不測；無東無西，始於玄冥，反於大通。

子乃規規然而求之以察，索之以辯，是直用管窺天，用錐指地也，不亦小乎！

子往矣！

## 井底之蛙

且子獨不聞壽陵餘子之學行於邯鄲與？

未得國能，又失其故行矣，直匍匐而歸耳。

今子不去，將忘子之故，失子之業。」

公孫龍口呿而不合，舌舉而不下，乃逸而走。

## 曳尾泥塗

莊子釣於濮水，楚王使大夫二人往先焉，  
曰：「願以竟內累矣！」

莊子持竿不顧，曰：「吾聞楚有神龜，死已三千歲矣，  
王巾笥而藏之廟堂之上。

此龜者，寧其死為留骨而貴乎，寧其生而曳尾於塗中乎？」

二大夫曰：「寧生而曳尾塗中。」

莊子曰：「往矣！吾將曳尾於塗中。」

## 得腐鼠而嚇鵙鷁

惠子相梁，莊子往見之。

或謂惠子曰：「莊子來，欲代子相。」

於是惠子恐，搜於國中三日三夜。

莊子往見之，曰：「南方有鳥，其名為鵙鷁，子知之乎？」

夫鵙鷁發於南海而飛於北海，非梧桐不止，非練實不食，非醴泉不飲。

於是鵙得腐鼠，鵙鷁過之，仰而視之曰：『嚇！』

今子欲以子之梁國而嚇我邪？」

## 濠梁之樂

莊子與惠子遊於濠梁之上。

莊子曰：「儵魚出遊從容，是魚樂也。」

惠子曰：「子非魚，安知魚之樂？」

莊子曰：「子非我，安知我不知魚之樂？」

惠子曰：「我非子，固不知子矣；  
子固非魚也，子之不知魚之樂，全矣。」

莊子曰：「請循其本。子曰『女安知魚樂』云者，既已知吾知之而問我，我知之濠上也。」